

垣曲縣志卷之二

山川 水利附

懸泉山 一名天盤山

在治西北六十里上建玄武廟銘鐵爲瓦伐石作柱雄壯甲一邑今圯山腹有泉懸崖而出爾雅沃泉懸出此其沃泉乎廟側遺碑惟天盤山懸泉宮白雲菴數字可考餘多剝落

蒼菇山 一名馬頭山

在治西北三十里山之左側紅門寺在焉巖石懸

崖若門屹立故名折而西有石洞廣二丈深如之
明萬曆年間建普救塔並玄武玉皇二廟

按魏書白水有馬頭山水經註清水南歷奸苗

北馬頭鼓鐘川水南至西馬頭東截坡下

今峽口村

馬頭卽今之蘑菇以其在清水之北故曰北馬
頭在鼓鐘川之西故曰西馬頭就水勢所向而
異其詞非截然二馬頭也

又舊志言縣脉肇懸泉

名太祖山

逕蘑菇

名少祖山

抵風

翻嶺而過峽故列二山於簡首而羣山之環抱

者各以其方牖諸左

太行山

在治東北八十里北抵陽城西連沁水翼絳延袤
八十餘里河北諸郡皆旋繞其趾隸縣境者土人
名鋸齒山

王屋山

在治東北七十里山形如王者車蓋故名絕頂有
壇爲軒轅祈天之所故又曰天壇東曰日精西曰
月華道書三十六洞天此其首也

按漢書地理志垣縣有王屋山晉郭弘農山海經註魏鄺道元水經註宋蔡九峯禹貢集傳俱沿其說而金史地理註垣曲仍有王屋山然隋唐之時已析王屋爲縣說見疆域垣無王屋久矣山西通志及舊志復仍叙入者不獨興雲出雨一邦所瞻而垣之得名見沿革實以此也

鳳凰山

在治東一里俯黃河岸形似鳳飛乾隆十七年知縣言如泗以山勢至此龍岡未振建塔九級徑五

丈高九十九尺名曰廻瀾岸

萬家山

在治南十五里

鷹嘴山

在治西南五十里黃河遶其下

退山

在治南四十里

曦山

在治西南四十里有大小二陰坡大陰曦光所不

及小陰間得之舊志訛爲椅山

中條山

在治西南九十里西起蒲坂迤邐而東直接太行縣境諸山多其支絡

按括地志河東雷首山一名中條山兩漢及晉魏多言首山不及中條中條之名蓋起後世胡渭曰雷首之脈爲中條東盡於垣曲其說最悉

白馬山

一名歪頭山

在治西南七十里登巔望聞喜夏縣若羅諸掌上

有清濁二泉

按魏書地形志清廉縣有白馬山今歪頭山之
下有村曰白馬神頭當從白馬爲是

龍骨山

在治西南七十里白馬之支也

清廉山

在治西四十里魏書清廉縣有清廉山金史垣曲
有清廉山清水

虎兒山

在治西四十里山腹蹲石虎西向近古清廉城上有風洞

雞籠山

在治西三里螺旋而起若閣板

橫嶺山

在治西九十里水經註清水出清廉山之西嶺世又名清管山

按絳縣志橫嶺山在縣南四十里東南跨垣曲縣界名大橫嶺聞喜志橫嶺在縣東南九十里

接垣曲界山脊橫亘乃小橫嶺也其山蓋迤邐
喜絳縣垣曲故志各及之

轉山

在治西七十里

風山

在治西六十里宋李建中開垣曲山路詩鑿開青
石壁填貯白雲坑卽此

雲川山

在治西北七十里有浮雲寺明成化年間重修代

府靈邱王撰文

折腰山

在治西北七十里相傳舊有銅礦鑿久而脊摧故名

按水經註倚亳川水出北山礦谷

今名銅礦峪

歐陽

修相度銅利牒垣曲縣有錢坊在縣西北程子村銅源監內自唐以來舊曾鼓鑄銅錢當卽此也

華綠山

在治西北五十里

墨山

在治西北五十里隋書地理志垣有黑山疑譌黑
爲墨後人遂傳會右軍耳

歷山

在治北八十里自沁水蜿蜒而來廣十餘里亘六
十餘里山巔荆棘不生俗名舜王坪相傳舜耕於
此

按沁水志縣西五十里有歷山翼城志縣東南

七十里。有歷山。沁之西。卽翼翼之東南。卽垣枝

分條披實一山也。世紀堯求賢四岳薦舜命之

於順澤之陽

卽漢澤也。在今陽城。

墨子言舜漁於此。淮南

子元和郡國志羅氏路史俱引之。且云其西有

舜田焉。山旣遙連沁翼而距陽城。又復不遠世

傳舜耕於此。其來已久。第考寰宇記歷山在偃

師西北二十五里。有舜廟。舜井。鰲水。汭水上谷

記云下洛城西南四十里。有潘城。城西北三里

亦有歷山。下有舜誓二祠。齊之歷城南二里。又

有歷山水經注其上有舜祠東有舜井亦是耕
處九域志濟南濮陽河中皆有歷山俱存祠廟
則歷山奚啻數處非必皆舜耕田處也史記舜
耕歷山漁雷澤陶河濱作什器於壽邱就時於
負夏鄭康成釋歷山在河東雷澤在濟陰負夏
衛地皇_帝謚釋壽邱在魯東門北河濱濟陰定
陶西南陶邱亭是也夫耕稼陶漁宜爲舜同時
事則其地未必相遠二家所釋雷澤河濱壽邱
負夏皆在魯衛閒則歷山不宜獨在河東圖記

謂齊之南山爲歷山舜所耕處故其城名歷城
爲信然也茲以垣之歷山爲卽舜耕處姑仍其
說聊附鄙見以俟博識者辨焉

三錐山

在治北八十里方廣五十里三峯如錐產百藥

瞽塚山

一名鼓鐘山

在治北五十里山海經水經註行水金鑑及宋元
之碑詳見續紀俱言鼓鐘相傳瞽瞍葬此故又名瞽塚

也洞二一名金牛洞昔有見金牛入洞者投以石

卽興雲雨因建龍神祠一名鑼鼓洞

佛山

在治北三十里陡壁峭崖有古刹殘碑漫漶不可識或稱浮山舊志改今名

諸馮山

一名牛心山

在縣北三十里盤教水甲下圓兩銳出若牛心然
瞽塚之廻巒也

寨子山

在治北三十里蘑菇山之支水經註所謂馬頭山

東載卽此

按舊志所載有聖人嶺火石嶺皋落嶺鞍子嶺
風化嶺栢廟嶺神嶺蜂腰峽等名垣叢萬山中
山嶺之名實不止此不能具載

黃河

在治南一里自平陸甕口入垣歷縣境七十餘里
抵濟源界於禹貢在砥柱孟津之間

按黃河千里一大曲百里一小曲潘昂霄河源

錄謂西域有二折

乞兒馬出及
貴德必里

而程氏大昌以

鹽澤西來至於潼關面勢所向凡四大折朱子
又言河水自龍門南流至華陰而極折而東至
於砥柱又東至孟津則垣適當一折之中通志
謂河九曲此爲一曲者得之

清水

一名亳清河
俗名南河

在南郭外發源橫嶺山下由關店順流而東經郭
南入黃河水經註清水出清廉山之西嶺東南流
出峽逕皋落城北清廉城南又南歷好苗北馬頭
白水原逕垣縣故城北又東南逕陽壺城東卽垣